

東漢會要四十卷

（宋）徐天麟撰

宋寶慶二年（一二二六）建寧郡齋刻

本（卷三十六至四十配清抄本）。框高二十三·四釐米，寬十六·七釐米。每半葉十一行，行二十字，上白口，下細黑口，左右雙邊。

徐天麟，生卒年不詳。字仲祥，臨江（今屬江西）人。開禧元年（一二〇五）進士，歷撫州教授、臨安府教授，為武學博士，通判惠、潭兩州，權知英德府，權發遣廣西轉運判官。著有《西漢會要》七十卷、《漢兵本末》一卷、《西漢地理疏》六卷、《山經》三十卷等。事迹附見《宋史·徐夢莘傳》。

是書以《後漢書》為本，而旁貫諸家，悉加以裒次。凡三百八十四事，以類相從，分十五門，體例與《西漢會要》相合。

此本版心刻工有丁和、占朋、占奉、丘永、共文、江孫、李仁、余云、余秀、余武、余永、余卯、余嵩、劉生、劉洪、劉右、劉永、劉如、陳明、陳允、陳至、陳巳、吳元、吳圭、吳文、蔡全、蔡中、蔡云、華文、莊奉、翁正、宮正、范歸、俞克、徐志、何潤、胡明等，前有寶慶丙戌葉時序，次寶慶二年六月二十二日天麟上表，其結銜云「奉議郎武學博士」。葉

二
時序稱「前郡侯已刊《西漢會要》於郡齋，踰十年東漢事會稗始就」、「併鋟木以廣其傳」。《西漢會要》宋嘉定中刻於建寧郡齋，知此為寶慶二年建寧郡齋刻本。

此為本書初刻本，尚初印，未經元明補版，惜末五卷脫失。中國國家圖書館藏有同版一帙，卷九至十五、二十六至三十已佚，其第四至八卷用同版黃紙印本補配，末五卷不缺。晉府舊藏，《涵芬樓燼餘書錄》著錄。與此相配，可成完書。

是書元、明二代未見刊刻，世所行者皆據此本傳抄。《四庫全書》著錄之天一閣抄本第三十七、三十八兩卷全闕，三十六、三十九兩卷亦各佚其半。

鈐有「馬玉堂印」、「笏齋」、「武原馬氏藏書」、「讀史精舍」、「漢唐齋」、「結一廬藏書印」、「仁和朱澂」、「子清真賞」、「徐乃昌讀」等印。馬玉堂、朱學勤舊藏。朱氏《結一廬書目》著錄。今藏上海圖書館。（郭立暄）